

明版箋注李義山詩集 卷首

四庫全書

3665-8

明倫彙編
家範典
卷一百一十五

家範典

朱長孺箋註李義山詩序
往吾友石林源師好義山
詩窮老盡氣註釋不少休
乙酉歲朱子長孺訂補余
杜詩箋輟簡將有事於義

山余取源師遺本以畀長
孺長孺先有成藁歸而錯
綜讎勘綴集異聞敷陳隱
滯取源師註擇其善者爲
之剟其瑕礫舉其蕭稂更

數歲而告成於是義山一
家之書粲然矣長孺旣自
爲其敘復以屬余余往爲
源師撰序推明義山之詩
忠憤蟠鬱鼓吹少陵以爲

風人之博徒小雅之寄位
其爲人詭激歷落阨塞排
竿不應以浪子嗤點大略
如長孺所云又謂其綺靡
穠豔傷春悲秋至於春蠶

到死蠟燭成灰深情罕譬
可以涸愛河而乾欲火此
蓋爲源師言之而其援據
則有未盡者義山贊佛一
偈馳譽禪林晚從事河東

梓潼幕師事悟達國師知
玄以目疾遙禮禪宮明旦
得天眼偈讀終疾愈臥病
語僧錄僧徹誓願多生削
染爲玄弟子鳳翔寫玄真

義山執拂侍立集中別智
玄法師詩云東西南北皆
垂淚却是楊朱真本師智
玄卽知玄故云本師也又
有寄安國大師詩知玄與

弟子僧徹皆住上都大安
國寺號安國大師玄歸老
九隴舊山而義山罷歸鄭
州故其臥病與僧徹語云
云又寄書偈與玄決別唐

書載義山終於鄭州其踪
跡亦略可考見源師注指
安國爲玄秘塔端甫法師
此失攷也少陵云余亦師
粲可又云身許雙峰寺謝

康樂言學道必須慧業未
有具慧業而不通於禪者
靈山拂席滄海求珠豈可
與香奩金縷裁雲鏤月之
流比類而訶之哉書此詒

長孺聊以補前序之闕又
竊念吾遠祖思公與楊大
年諸公倣義山詩荆西崑
體余爲耳孫老耄多忘玉
臺風流邈然異代徒假手

於長孺以終源師殺青之
託此則爲之口沫手舐撫

卷而三嘆者也上章困敦
之歲相月二十九日虞山

蒙叟錢謙益序



箋註李義山詩集序

申酉之歲予箋杜詩于牧齋先生之紅豆莊旣卒業先生謂予曰玉溪生詩沈博絕麗王介甫稱爲善學老杜惜從前未有爲之注者元遺山云詩家總愛西

崑好只恨無人作鄭箋子何不
併成之以嘉惠來學予因繙覈
新舊唐書本傳以及箋啓序狀
諸作所載于英華文粹者反覆
參考乃喟然嘆曰嗟乎義山蓋
負才傲兀抑塞于鈞黨之禍而

傳所云放利偷合詭薄無行者
非其實也夫令狐綯之惡義山
以其就王茂元鄭亞之辟也其
惡茂元鄭亞以其爲贊皇所善
也贊皇入相薦自晉公功流社
稷史家之論每曲牛而直李茂